

Тәрә хуралгъиг цагтнь нүцәхмн

КПСС-н ЦК-н июньск Пленумин токтаварар болн тер Пленум деер кесн Н. С. Хрущевин докладар ханлт болн өргөмдөж авсн мана таньгъчин колхозни-куд болн цуг күч-көлсчир, эн джилә тәрә хаддж хуралгъиг өөрхн цагин эргид, гедрлт угагъар күцәхин төлә зүткдөж ноолда кеджәцхәнә.

Эн джил таньгъчар цуг хаддж хурагдхнь 291 миньгън 827 гектар буудян тәрән, түүнәс 263 миньгън 896 гектар газрин тәрән онц-онц хадгддөж цокгдхмн. Иим эв-аргъар хаддж хурасн тәрәнә буудя гедрлт уга болна.

Тәрә хаддж хуралгънд белдвр мана таньгъчин колхозмудар болн совхозмудар өнъгрсн джиллә дүнъцүлхлә, холд сән бүрдәмдөжтә болв. Тәрәнә болвсрн, болсинь хәләдөж Приютненск район (КПСС-н райкомин сегләтрнь үр Постников, күцәгч комитетин ахлачнь үр Яшкилев) тәрә хаддж хуралгъ эклчкв.

Эдн зурагъар 30 миньгън 672 гектар газрин тәрә хадхмн, хадлгън цоклгън хойринь онц-онц келгънә эв-аргъар 4 миньгън 704 гектар газрин тәрә хаддж; түүнәсн волкалгдснь 425

гектар газрин тәрә цуглулдж цокдөж 5 миньгън 660 центнер, буудя авцхав, эс гидж гектар болгънас 13,3 центнер буудя авгдв, эднә даалгъварар болхла 8 центнер бәәсмн.

Яшалтинск район (КПСС-н райкомин сегләтрнь үр Бондарев, күцәгч комитетин ахлач үр Ширипов) хадгдх 41 миньгън 821 гектар газрин тәрәнәс 3 миньгън 393 гектар тәрә шин эвәр хадцхав.

Хадлгън цоклгън хойринь онцднь келгънә эв-аргъар Элст балгъсна, Западн, Сарпинск, Черноземельск райодин колхозмуд болн совхозмуд тәрәнә хадлгъан эклчхәчкв.

Мана таньгъчар июнь сарин 30 күртл цуг бийнь 6 миньгън 970 гектар газрин тәрән хадгдв. Ода тәрә хаддж хуралгънд көдлдөжәх әмтн дунд социалистическ дөрлдә делгрүлдж, цәәлгъврин көдлмш тасрхан уга кедж, 10 өдрин эргид тәрә хаддж хуралгъна зурагъан бүтклднь дуусдөж, орн-нутгтан будя орулдж өглгъан цагтнь, сән чинртәгъәр, мана колхозмуд болн совхозмуд күцәх зөвтә,

Б. БОЛДЫРЕВ.

**КПСС-н таньгъчин комитетин
инструктор.**